

NGĀ PĀTAI PŪPUTU



TOHU HIRANGA MĀTAURANGA AHUMAHINGA A TE PIRIMIA 2020

HE AHA TE MĀTAURANGA AHUMAHINGA?

Ko te mātauranga ahumahinga, he akoranga, he whakangungu hoki e hāngai pū ana ki ngā pūkenga, mātauranga me ngā pūmanawa e tika ana ki te kawewāhi i tētahi mahi motuhake, i roto i tētahi ahumahinga motuhake hoki.

Kāore i whāiti noa ki ngā mahi ā-rehe taketake, ki tētahi umanga rānei, engari ka hāngai ki ngā rāngai katoa o te ōhanga o te motu.

NŌNAHEA, HE AHA HOKI I WHAKARITEA AI TE TOHU HIRANGA MĀTAURANGA AHUMAHINGA A TE PIRIMIA?

Ānō te hiranga o ngā ākonga puta noa i Aotearoa ki te whakapiki i ō rātou mātauranga me ngā pūkenga ahumahinga, ā, ko te hiahia o te Pirimia, ko te whakamahi ki tā rātou angitūtanga.

I rewa ake i te tau 2019, ko te pūtake o te Tohu ko te whakanui i ngā whakatutukitanga o ngā ākonga kura tuarua kua uru atu ki ngā kaupapa ahumahinga, ā, ko te hāpai hoki i te tūnga o te mātauranga ahumahinga kia kite mai ai te iwi he huarahi ātanga te mātauranga ahumahinga i te wehenga i te kura.

HE AHA NGĀ PAEARU TAUTAPA HEI ĀWHINA I TŌ MĀTOU KURA KI TE WHAKAMĀTAU I NGĀ KAITONO TOROHŪ MŌ TE TOHU?

Kei roto ngā paearu tautapa i te Kete Pārongo, ā, e whakaahua ana i ngā pūkenga me ngā āheitanga e pūawai ai ngā ākonga i roto i ngā akoranga, whakangungu, mahi ahumahinga tiketike. He mea whakarite nā te Tāhuhu i runga i ngā whiriwhiri kōrero me ngā kaituku mahi.

KO WAI MĀ TE HUNGA KA TAEA TE TAUTAPA MŌ TE TOHU HIRANGA MĀTAURANGA AHUMAHINGA A TE PIRIMIA?

Ko ngā ākonga kōtihi kei te Tau 12, 13 rānei, kua uru atu ki tētahi kaupapa ahumahinga ka taea te tautapa hei whakawhiwhinga tohu.

E TAEA ANA E WAI TE TAUTAPA TĒTAHI ĀKONGA?

E taea ana e ngā kaiako o ngā kaupapa ahumahinga te tautapa ngā ākonga mai i ō rātou kura, e whakapono ana rātou he whaitake ki te Tohu, e ai ki ngā paearu i whakaritea e Te Tāhuhu o te Mātauranga. Me whai rawa ngā tautapa katoa i te tautoko a te Tumuaki. Me kōrero ngā ākonga ki ō rātou kaiako mō ngā whaiwhakaarotanga mō te Tohu.

ME PĒHEA TE TUKU I TE TAUTAPA A TŌ MĀTOU KURA?

Ki te tuku i te tautapa mō tētahi ākonga o tō kura, tēnā whakakīia tētahi pepa tono kei roto i tēnei Kete Pārongo, ka imēra ki a vocational.excellence@education.govt.nz. Ka taea te tikeake te pepa tono mai i te pae tukutuku o te Tohu Hiranga Mātauranga Ahumahinga a te Pirimia: www.pmvea.education.govt.nz.

Tēnā meatia kia kotahi anake te ākonga ka tautapatia hei kaiwhiwhi i te Tohu mai i tō kura. Me mātua whakamana, me tāmoko hoki e te tumuaki o tō kura, ki te kore, e kore e whakaarotia tō tono.

NGĀ PĀTAI PŪPUTU

E WHAKAAETIA ANA MĀTOU KI TE TAUTAPA I TE INGOA O TĒTAHI O Ā MĀTOU ĀKONGA KIA WHIWHI I TE TOHU, AHAKOA KĀORE I WHAI WĀHI ATU KI NGĀ AKORANGA WĀHI MAHI I TE WĀ O TE RĀHUI MATE KORONA?

Ka taea e ngā kura te tuku ingoa o ngā ākonga kāore pea i tutuki i a rātou ngā akoranga wāhi mahi i maheretia i te wā o te rāhuitanga, mehemea i kawea tonu e aua ākonga ngā mahi ako i te roanga o te tau, ā, i whakaaturia e rātou te Hiranga o te Ahumahinga e whakanuia ana e te Tohu nei.

E kite ana mātou i whakararuhia ngā mahi ako nā te Mate Korona, ā, i nui te whakararuhia o ētahi ākonga.

HE AHA KA WHAKAWHIWHIA KI NGĀ ĀKONGA KA TOA?

Ka whakawhiwhia e te Tohu te \$2000 me tētahi tiwhikete ōkawa ki te ākonga kōtihi rawa o te Tau 12 me te 13 kua uru atu ki tētahi kaupapa ahumahinga. Kei te ākonga te tikanga mō te whakapaunga o te pūtea.

Ko te tikanga o te Tohu nei, kia tukuna i te wā o te tuku taonga o te mutunga tau o tō kura, i te taha o ētahi atu Tohu teitei pēnei i te Dux me te Proxime Accessit. Mehemea kāore he kaupapa tuku taonga a tō kura, mā tō kura e whakatau ka pēhea te whakanui i te whakawhiwhinga Tohu a tō ākonga.

KA PĒHEA TE WHAKAWHITI ATU O TE PŪTEA TŪRUA KI TE ĀKONGA KA WHAKAWHIWHIA?

Ka utua te pūtea tūrua nei ki te kura e te Tāhūhū o te Mātauranga. Kei te kura te tikanga ki te tuku i te tūruatanga ki te ākonga toa.

HE AHA TE WĀTAKA MŌ TĒNEI TAU?

Ka tuwhera ngā tono a te 27 o Hōngongoi 2020, ā, ka kati hei te 25 o Mahuru.

Ko tō mātou whāinga kia tukuna ngā whakatūturutanga o te kaiwhiwhi o ngā Tohu i te atinga o Whiringa-ā-Nuku. Ka tukuna ngā reta whakamihi ki ngā kura i mua o te wā tuku taonga. Ka whiwhi hoki i ngā ākonga tētahi tiwhikete, ā, ka utua ngā pūtea hei te marama o Whiringa-ā-Nuku.

KA PĒHEA TŌ MĀTOU KURA E MŌHIO MEHEMEA KUA WHAKAAETIA TE TAUTAPANGA MŌ TŌ MĀTOU ĀKONGA?

Kia hātepengia te tautapanga a tō kura, ka tukuna tētahi karere whakamana mō te kaiwhiwhi o te Tohu.

Ka tukuna tētahi reta whakamihi ki tō kura i mua o te wā tuku taonga.

HE PĀTAI TĀKU E PĀ ANA KI NGĀ ĀHUATANGA MOTUHAKE O TŌ MĀTOU KURA. ME WHAKAPĀ ATU AU KI A WAI?

Me tukuna ō pātai ki tō mātou īmērā vocational.excellence@education.govt.nz.

ME TIKI RAWA ĒTAHI ATU PITOPITO KŌRERO O TE TOHU NEI I WHEA?

Ka taea ētahi atu pitopito kōrero te tiroiro i tō mātou pae tukutuku www.pmvea.education.govt.nz.

